





吳太伯世家第一

古史八

吳太伯太伯弟仲雍皆周大王之子而王季歷之昆也季

歷賢而有聖子昌大王欲立之於是太伯仲雍二人逃奔

荆蠻以避季歷季歷立為王季而昌為文王太伯之奔荆

蠻自號句吳荆蠻義之從而歸之千餘家立為吳太伯太

伯卒無子弟仲雍立仲雍斷髮文身羸以為飾以從荆蠻

之俗左傳吳太宰嚭謂子貢曰國君道長而大夫不出門此何禮也子貢對曰大伯端委以治吳仲雍嗣之斷

髮父身羸以為飾豈禮也哉有由然也太史公曰太伯斷髮文身示不可用失之矣仲雍卒子季簡

立季簡卒子叔達立叔達卒子周章立是時周武王克殷

求大伯仲雍之後得周章周章已君吳因而封之乃封周

章之弟於周之北故夏墟是為虞仲列為諸侯夷諛曰虞仲



奇云太伯虞仲大王之昭則仲雍號虞仲矣今周章之弟亦號虞仲虞其國仲其字故爾然則仲雍之號虞仲抑以其後封周章卒子熊遂立熊遂卒子柯相立柯相卒子強虞故耶鳩夷立強鳩夷卒子餘橋疑吾立餘橋疑吾卒子柯盧立柯盧卒子周繇立周繇卒子屈羽立屈羽卒子夷吾立夷吾卒子禽處立禽處卒子轉立轉卒子頗高立頗高卒子句卑立是時晉獻公賂周北虞公假道以滅虢因以滅虞句卑卒子去齊立去齊卒子壽夢立壽夢始大稱王自太伯作吳五世而武王克殷封其後為二其一吳在蠻夷其一虞在中國十二世而晉滅中國之虞滅中國之虞滅一世而蠻夷之吳興蓋壽夢以前常役屬於楚楚大夫申公巫臣與其令尹嬰齊爭田與其司馬側爭夏姬出奔晉楚莊王卒嬰齊側

殺巫臣之族而分其室巫臣怨之王壽夢二年巫臣請於晉侯而使於吳壽說之乃通吳於晉以兩之一卒適吳會偏兩之一焉教吳用兵乘車使其子狐庸為吳行人教之辭楚吳始伐楚伐巢伐徐入州來見於春秋十年會諸侯于鐘離十六年楚嬰齊伐我克鳩茲至于衡山我獲其將鄧廖復伐楚取駕嬰齊遂以憂死十八年使壽越如晉晉悼公使魯衛先會我善道遂會諸侯于戚二十五年王壽夢卒子諸樊立楚共王卒吳因其喪伐之戰于庸浦我師大敗獲我公子黨王諸樊二年會諸侯于向晉將為我謀楚其大夫士匄不義我伐楚喪而止初王壽夢有子四人長曰諸樊次曰餘祭次曰夷昧次曰季札季札賢壽夢欲



立之季札讓不可故立諸樊諸樊既除喪將立季札季札  
辭曰曹宣公之卒也曹人不義曹君將立子臧子臧去之  
以成曹君君子曰能守節君義嗣也誰敢奸君有國非吾  
節也札雖不才願附於子臧以無失節固立之棄其室而  
耕乃舍之秋楚公子貞伐吳吳擊之獲公子宜穀十二年  
楚為舟師以伐吳無功而還吳召舒鳩人畔楚十三年楚  
屈建伐舒鳩吳救之敗焉楚遂滅舒鳩十二月諸樊伐楚  
門于巢巢牛臣曰吳王勇而輕若啓之將親門我獲射之  
必殪諸樊門焉牛臣射之卒有命立弟餘祭欲以次必致  
國於季子以稱先王壽夢之意王餘祭三年齊慶封有罪  
自魯來奔封之朱方四年伐越獲俘以為閭使守舟餘祭

觀舟閭弒之弟夷昧立

史記 齊 十七年而後夷昧立 蓋失不考之春秋也

使季札

聘于諸侯凡諸侯之賢者札無不友也王夷昧二年使屈  
狐庸聘于晉六年楚靈王合諸侯于申遂以諸侯伐吳圍  
朱方執齊慶封殺之而盡滅其族冬吳伐楚入棘櫟麻以報  
七年楚人復以諸侯伐吳吳敗楚師于鵠岸楚王以駟至  
於羅納吳使蹶由犒師楚人執之楚師及汝清吳有備楚  
無功而還八年楚蘧洩伐徐吳救之敗楚師於房鐘獲宮  
廐尹棄疾十四年楚靈王次于乾谿遣兵圍徐以懼吳十  
五年楚棄疾入楚靈王死楚師還自徐吳敗之豫章獲其  
五帥冬吳滅州來楚平王初立不敢爭十七年王夷昧卒  
欲立季札札逃去吳人立夷昧之子僚王僚二年使公子



光伐楚戰于長岸吳師大敗喪其乘舟餘皇楚人塹而守  
之光使長鬣者三人伏於舟側曰我呼餘皇則對師夜從  
之三呼皆迭對楚人從而殺之楚師亂吳人大敗之取餘  
皇而歸四年楚城州來楚歸蹶由五年楚平王以讒逐其  
太子建誅太子之師伍奢奢子負犇吳言伐楚之利公子  
光曰是宗爲戮而欲反其讎不可從也負曰光將有他志  
余姑爲之求士而鄙以待之乃見鱣設諸而耕於野公子  
光者王諸樊之子也常以爲若兄弟相授則季子當立季  
子不立則長子之子當立者也故陰養士欲襲王僚八年  
吳伐州來楚遠越帥師及諸侯之師救之公子光敗頓胡  
沈蔡之師于雞父胡子髡沈子逞滅獲陳夏馮楚師大奔

九年楚爲舟師以略吳疆吳人踵之遂滅巢及鐘離十一  
年楚平王卒十二年王僚欲因楚喪而伐之使其母弟掩  
餘燭庸率師伐楚圍潛使季子聘于上國以觀諸侯楚人  
禦之楚師強吳師不能退公子光曰此時也不可失也謂  
鱣設諸曰我王嗣也事若克季子雖至不吾廢也鱣設諸  
曰王可弒也母老子弱是無若我何四月光伏甲於窟室  
而享王王亦以甲爲衛光僞足疾入于窟室使鱣設諸置  
劍於魚中以進抽劍刺王弒之王屬亦殺鱣設諸公子光  
自立是爲王闔閭以鱣設諸之子爲卿季子至曰苟先君  
無廢祀人民無廢主社稷有奉國家無傾乃吾君也吾誰  
敢怨哀死事先以待天命非我生亂立者從之先人之道



也復命哭墓復位而待掩餘奔徐燭庸奔鐘吾楚殺卻  
宛伯州犁之孫嚳亡奔吳吳以為太宰王闔閭元年舉伍  
員以為行人三年闔閭使徐人執掩餘使鐘吾人執燭庸  
二公子奔楚楚人封之於養將以害吳闔閭怒執鐘吾子  
而伐徐滅之闔閭問於伍員曰初而言伐楚余知其可也  
而恐其使余往也又惡人之有余之功也今余將自有之  
矣伐楚何如對曰楚執政衆而乖莫適任患若為三師以  
肄焉一師至彼必皆出彼出則歸彼歸則出楚必道敝亟  
肄以罷之多方以誤之既罷而後以三軍繼之必大克之  
闔閭從之四年侵楚伐夷侵潛六楚沈尹戌帥師救潛吳  
師還楚師遷潛於南岡而還吳師圍弦左司馬戍右司馬

稽帥師救弦及豫章吳師還始用伍員之謀也五年吳始  
用師於越晉史墨曰歲及三紀越其有吳乎越得歲而吳  
伐之必受其凶七年桐叛楚闔閭使舒鳩氏誘楚人偽畏  
楚為之伐桐敗楚師于豫章圍巢克之獲公子繁八年蔡  
昭侯如楚楚令尹囊瓦欲其裘與佩弗予唐成公如楚瓦  
欲其驪驪馬亦弗與皆三年止之蔡侯歸如晉請伐楚晉  
人求賂於蔡弗得而止蔡侯因伍員伯嚳以其子乾與大  
夫之子為質於吳以謀楚九年闔閭從蔡侯唐人以伐楚  
楚瓦禦之陳于柏舉闔閭之弟夫槩王欲戰言於王曰楚  
瓦不仁其臣莫有死志先伐之必克王弗許夫槩王曰臣  
義而行不待命可也以其屬先擊瓦瓦之卒奔吳師大敗



之五戰及郢楚昭王出奔隨吳入郢以班處宮子山處令  
尹之官夫槩王欲攻之懼而去之夫槩王入之十年越入  
吳秦遣兵救楚楚師及秦師大敗夫槩王于沂吳師屢奔  
夫槩王歸自立闔閭乃歸夫槩王與王戰敗奔楚爲堂谿  
氏十一年吳太子終累敗楚舟師獲潘子臣小惟子及大  
夫七人楚大懼遷郢都都十九年吳伐越越子句踐禦之  
陳干槁李吳師敗靈姑浮以戈擊闔閭闔閭傷將指取其  
一履還卒於陘子夫差立使人立於庭苟出入必謂已曰  
夫差而忘越王之殺而父乎則對曰唯不敢忘三年乃報  
越王夫差二年敗越于夫椒遂入越越子以甲楯五千棲  
于會稽使大夫種因吳太宰嚭以行成夫差將許之伍員

諫不聽遂及越平初闔閭之入楚也使召陳懷公懷公不  
從夫差既克越乃侵陳以脩先君之怨七年復伐陳八年  
夫差及魯侯會于郕徵百牢魯人辭以禮弗聽魯人以吳  
無能爲也遂伐邾執邾子益邾茅夷鴻請救於吳九年爲  
邾伐魯爲城下之盟而還齊悼公娶於魯季氏季姬與季  
魴侯通魯人不敢歸悼公怒請師於吳吳將以伐魯魯歸季  
姬季姬嬖十年使人辭師于吳吳王怒城邾溝以通江淮  
且使倣師於魯將以伐齊十一年夫差會魯侯邾子邾子  
伐齊齊人弒悼公以說夫差哭之軍門之外三日徐承以  
舟師自海入齊齊師敗之乃還楚子期伐陳吳使季子救  
陳不戰而還十二年齊人伐魯魯來請師夫差爲魯伐齊



戰于艾陵大敗齊師獲齊國書吳之將伐齊也越子率其  
衆朝焉王及列士皆有饋伍員又諫弗聽使人屬其子於  
齊鮑氏爲王孫氏王聞之使賜之屬鏹以死十三年夫差  
會魯侯于橐臯又會衛侯于鄭衛人嘗殺吳行人且姚於  
是吳人藩衛侯之舍魯使子貢爲衛君辭焉乃舍衛侯十  
四年夫差會晉侯魯侯于黃池六月越子伐吳大敗吳師  
獲太子友王孫彌庸壽於姚遂入吳吳人告敗於王王惡  
其聞也自到七人於幕下秋七月辛丑盟吳晉爭先晉稍  
鞅欲戰乃長晉侯既盟而歸及越人平十六年楚子西子  
期伐我及桐汭十八年越子來伐禦之笠澤我師大敗二  
十一年公子慶忌驟諫於王曰不改必亡弗聽遂適楚聞

越將伐吳請歸平越遂歸欲除不忠者以說于越吳人殺  
之冬越圍我晉趙襄子使楚隆來弔二十三年越滅吳越  
王句踐使告王母死將居王於甬東舜曰孤老矣不能事  
君乃縊越人以歸

蘇子曰吳自太伯至壽夢十九世不通中國壽夢以下始  
與諸侯盟會七世而亡然孔子作春秋終以蠻夷書之謂  
之吳而不人蓋禮義不足故也春秋諸侯國而不人者三  
楚始稱荆而已僖元年書楚人伐鄭文九年書林楚子使椒  
來聘自是遂與諸侯齒而吳越終春秋不人此其禮義存  
亡之實也故予因春秋所書而推考三國得失之効以爲  
吳越皆戰勝攻取能服人矣而無禮義以自將吳欲以棄



陵諸夏而不知止故闔閭之後覆亡而不救越能自安於  
蠻夷無意於王伯故句踐之後固陋而無聞至於楚禮義  
雖不足道而亦無愧齊於晉故其後遂與戰國相終始由是  
觀之禮義之於爲國豈誣也哉

吳太伯世家第一

齊太公世家第二

古史九

齊太公呂尚者東海上人也其先爲堯四岳佐禹平水土  
有功封於呂姓姜氏商周之際或封於申呂尚其苗裔也  
蓋常事紂紂無道去之年已老矣聞周西伯善養老者往歸  
之隱於漁者西伯將出獵卜之曰所獲非龍非虜非虎非  
熊所獲伯王之輔於是西伯獵得太公於渭之陽與語大  
說曰自吾先君太公曰當有聖人適周周以興子真是耶  
吾太公望子久矣故號之曰太公望載與俱歸立爲師太  
公善用兵自西伯之伐犬戎伐密伐崇三分天下其二歸  
周太公常主其兵事及文王崩武王伐殷太公益老矣然  
其用兵不衰方爲將詩人稱之曰維師尚父時維鷹揚諒



彼武王肆伐大商會朝清明及武三克殷封太公於齊營  
丘與周公召公皆留佐天子武王有疾太公召公將為王  
穆卜周公乃以身請命三王王疾有瘳及武王崩管叔蔡  
叔疑周公不利成王周公與二公謀出兵東伐既克管蔡  
而成王亦疑周公惟二公明周公無他志然不敢言雷風  
之變二公乃道成王啓金縢之書得周公代武王之說王  
悟復迎周公周公召公卒留相周而太公以老東就國道  
宿逆旅逆旅之人曰吾聞時難得而易失客寢甚安殆非  
就國者也太公聞之夜衣而行黎明至國萊侯以兵爭營丘代  
敗之太公乃脩政事因其俗簡其禮通工商之業便魚鹽  
之利民多歸之故齊為大國王使召公命之曰五侯九伯

女賁征之以夾輔周室賜之履東至海西至河南至穆陵  
北至無棣齊由此得專征伐蓋太公卒年百有餘矣其後

五世皆反葬於周子丁公伋立丁公入周為虎賁氏

命仲相南宮毛俾爰齊侯呂伋以二  
于戈虎賁百人逆子釗于南門之外丁公卒子乙公得

立乙公卒子癸公慈母立癸公卒子哀公不辰立紀侯議

哀公於周周烹哀公而立其弟靜是為胡公胡公徙都薄

姑當周夷王時哀公母弟山怨胡公乃與其黨帥營丘大

襲殺胡公而自立是為獻公獻公元年盡逐胡公子徙薄

姑都臨菑九年獻公卒子武公壽立九年周厲王奔瑛二

十四年周宣王立二十六年武公卒子厲公無忌立厲公

暴虐胡公子復入齊齊人欲立之為之攻殺厲公胡公子



亦戰死齊人乃立厲公子赤是爲文公讓殺厲公者七十  
文公十二年卒子成公脫立成公九年卒子莊公購立  
二十四年周東徙洛六十四年莊公卒子僖公祿父立二  
十四年公及鄭伯如紀將襲之紀人知之不克三十三年  
僖公卒子襄公諸兒立四年公會魯桓公于濼魯桓夫人  
公之女弟也未嫁而私焉及會魯侯與姜氏皆來公復通  
之魯侯謫之以告公怒享魯侯使公子彭生拉而殺之魯  
人來討殺彭生以說五年遷紀邾鄆齊將滅紀紀侯知  
不敵而耻下齊七年紀侯使其弟季以鄆來附八年紀侯  
遂去其國紀夫人伯姬卒公使以禮葬焉襄公無禮而好  
兵民不堪命使連稱管至父戍葵丘期至弗代故謀作亂

僖公母弟夷仲年生公孫無知有寵於僖公衣服禮秩如  
適襄公絀之故二人因之以作亂公遊於姑棼遂田于貝丘  
見大豕從者曰公子彭生也公怒曰彭生敢見射之豕人  
立而啼公懼墜于車傷足喪屨就舍而賊至遂弑公而立  
無知僖公之子二人子糾魯姬子也小白衛姬子也襄公  
立無常鮑叔牙曰君使民慢亂將作矣奉小白出奔莒亂  
作管夷吾忽奉子糾奔魯明年雍廩殺無知魯莊公及齊  
大夫盟于蕪以兵納子糾小白自莒先入及魯侯戰于乾  
時管夷吾射小白中鈎魯師敗績小白立是爲桓公使鮑  
叔牙以兵脅魯曰子糾親也請君討之管召讎也請受而  
甘心焉魯人殺子糾于生竇召忽死之管仲請囚鮑叔受



之及棠阜而稅之歸而以告曰管夷吾治於高傒使相可也公從之故管仲得專治齊國於是定四民之居連五家之兵作內政以寓軍令設輕重通魚鹽之利以贍貧窮祿賢能及侵地重聘幣以親諸侯二年魯用曹劌敗我師于長勺四年宋萬弑其君捷五年公會諸侯于北杏以平宋亂宋人背北杏之會六年公會單伯及諸侯伐宋及宋人平七年公會諸侯于鄆始霸諸侯十四年陳人殺其世子禦寇陳厲公之子完來奔相公將以爲卿完讓不受以爲上正其後爲田氏十九年王使召伯廖來錫公命且請伐齊討立子頹二十年伐衛敗之取賂而還二十二年山戎伐燕相公爲燕伐山戎至孤竹二十四年狄伐邢管仲言於公曰

戎狄豺狼不可厭也諸夏親暱不可棄也宴安酖毒不可懷也詩云豈不懷歸畏此簡書曷救邢以後簡書乎二十五年救邢魯莊公卒公子慶父殺其世子般公子友奔陳魯人立閔公公及魯侯盟于落姑召季友于陳而歸之冬使仲孫湫如魯省難仲孫歸曰不去慶父魯難未已公曰若之何而去之對曰難不已將自斃公曰魯可取乎對曰不可猶秉周禮周禮所以本也臣聞之國將亡本必先顛而後枝葉從之魯不棄周禮未可動也君其務寧魯難而親之親有禮因重固間攜貳覆昏暴霸王之器也二十六年慶父復弑閔公季友殺慶父而立僖公魯莊公之夫人哀姜齊女也通於慶父知其謀故出奔邾相公召而殺之使高傒



平魯難狄滅衛衛懿公死桓公立戴公使公子無虧帥車  
三百乘甲士三千人以戍之歸之乘馬祭服五稱牛羊豕雞  
狗皆三百與門材歸其夫人魚軒重錦三百兩二十七年復  
師諸侯之師救邢邢人潰出奔師師遂逐狄人具邢器用  
而遷之師無私焉邢遷于夷儀因而城之二十八年帥諸侯  
城楚丘以封衛邢遷如歸衛國忘亡九月盟諸侯于貫始  
會江黃從於楚者服楚人侵鄭二十九年公會諸侯于陽  
穀謀爲鄭伐楚公與蔡姬乘舟于圃蕩公公懼禁之不可  
公怒歸之未之絕也蔡人嫁之三十年公會諸侯伐楚先  
侵蔡蔡潰遂伐楚楚子使問于師曰何故涉吾地公使管  
仲對曰昔召康公命我先君太公曰五侯九伯女實征之

以來輔周室楚貢包茅不入王祭不共寡人是徵昭王南  
征不復寡人是問楚子對曰貢之不入寡人之罪也昭王  
之不復君其問之水濱師遂進次于陘以待之楚子使屈  
完如師以觀齊寧見諸侯之師而畏之請盟公許之師還  
盟于召陵陳轅濤塗謂鄭申侯曰師出於陳鄭之間國病  
矣若出於東方循海而歸可也以告公許之申侯見曰師  
老矣出於東方而遇敵柰何不如出於陳鄭之間公說與  
之虎牢執轅濤塗而伐陳三十一年周惠王將廢太子鄭面  
立帶鄭懼來告公爲之合諸侯于首止以定其位王怒使  
周公召鄭伯以從楚鄭伯逃歸不盟三十二年公帥諸侯  
伐鄭三十三年復會諸侯于甯母以謀鄭管仲言於公曰



臣聞之招攜以禮懷遠以德德禮不易無人不懷桓公修禮於諸侯諸侯官受方物鄭伯使太子華聽命於會子華言於公曰洩氏孔氏子人氏三族實違君命若去之我以鄭爲內臣公將許之管仲曰君以禮與信屬諸侯奈何以姦終之子父不奸之謂禮守命共時之謂信違此二者姦莫大焉公曰諸侯有討於鄭未捷今苟有釁從之不亦可乎對曰君若綏之以德加之以訓辭而帥諸侯以討鄭鄭將覆亡之不暇豈敢不懼若總其罪人以臨之鄭有詞矣何懼君其勿許鄭必受盟公辭焉鄭伯請盟周惠王崩太子鄭懼不立使來告難三十四年公會王人及諸侯于澠三十五年公會宰周公及諸侯于葵丘王使周公賜公文武昨命

無下拜公曰天威不遠顏咫尺小白敢貪天子之命無下拜下拜登受晉獻公來會不及遇周公周公曰齊侯不務德而勤遠略故北伐山戎南伐楚西爲此會也東略之不知西則否矣君務靖亂無勤於行晉侯卒里克殺奚齊卓子公以諸侯討之及高粱而還三十六年公使隰朋立晉惠公三十七年戎伐京師三十八年公使管仲平戎于周使隰朋平戎于晉三十九年淮夷病杞公會諸侯于鹹以謀杞四十年公及諸侯城緣陵以封杞四十一年楚伐徐公會諸侯盟于牡丘救徐伐厲是歲管仲隰朋皆死初管仲說桓公以霸事桓公告之曰吾有大邪三不幸而好田夜至禽側莫而後反不幸而好酒日夜相繼不幸而好色



姑姊妹有不嫁者其尚可以霸乎管仲曰惡則惡矣然非其急也夫見賢而不能用害霸也與賢者圖事而與小人疑之害霸也非此二者不害於霸故桓公三夫人六嬖妾嫡庶不明而管仲不禁終以此敗桓公既霸諸侯將封太山禪梁父曰寡人南伐至召陵望熊耳北伐山戎離支孤竹西伐大夏涉流沙東馬懸車登太行至卑耳諸侯莫違寡人寡人兵車之會三乘車之會六九合諸侯一匡天下昔三代受命何以異於此乎管仲固諫不聽乃說桓公曰古之封禪鄩上之黍北里之禾所以為盛江淮之間一茅三脊所以為藉東海致比目之魚西海致並翼之鳥凡物不召而至者十有五焉今鳳凰騏驎不來嘉穀不生而蓬蒿

藜莠茂鳴鳧數至而欲封禪無乃不可乎桓公乃止及管仲病且死公問群臣誰可使相者管仲曰知臣莫如君公曰易牙何如對曰殺子以適君非人情不可公曰開方何如曰倍親以近君非人情難近公曰豎刁何如曰自宮以適君非人情難親管仲死桓公不用其言卒近三子二年而禍作四十二年周以戎難來告徵諸侯以戍周淮夷病鄩公會諸侯于淮遂城鄩役人病夜登丘而呼曰齊有亂不果城而還桓公夫人三王姬徐姬蔡姬皆無子長衛姬生無虧少衛姬生惠公鄭姬生孝公葛嬴生昭公密姬生懿公宋華子生公子雍公與管仲屬孝公於宋襄公以為太子易牙有寵於衛姬因豎刁以薦羞於公亦有寵公許之立無



虧管仲死五公子皆求立四十二年冬十月乙亥桓公卒易牙豎刁因內寵以殺群吏立公子無虧孝公奔宋十二月己亥赴辛巳夜殯桓公之子立者五人無虧立三月死次孝公次昭公次懿公次惠公孝公昭元年宋襄公以諸侯伐齊三月齊人殺無虧將立孝公不勝四公子之徒遂與宋人戰五月宋敗齊師于麇立孝公而還八月葬桓公二年宋襄公將求諸侯而虐杞鄆之君諸侯患之於是陳穆公請修好于諸侯以無忘桓公之德冬諸侯盟于齊宋人不會六年公伐宋圍緡討其不與盟也九年公伐魯魯人辭以義不克而還魯人以楚師伐我取穀寘桓公子雍易牙奉之以爲魯援楚由公叔侯戍之桓公之子七人爲七大夫

於楚十年孝公卒弟昭公潘立昭公元年使大夫從晉文公敗楚師于城濮楚申叔釋穀而去昭公娶于魯曰叔姬生子舍無寵公弟商人驟施於國而多聚士十九年昭公卒舍立商人弑舍而讓其兄元元曰爾求之久矣我能事爾爾不可使多蓄憾商人自立是爲懿公魯人告于王求昭姬焉王使單伯來請公執單伯并執昭姬懿公元年春魯使季孫行父如晉爲單伯昭姬請乃歸單伯秋復遣師侵魯魯復使季孫告于晉晉侯會諸侯于扈謀將伐我以賂免歸昭姬旣而復伐魯遂伐曹曰何故朝魯二年將及魯平魯侯有疾辭公不許魯使襄仲納賂乃盟于郟丘三年公復伐魯及魯侯盟于穀公之爲公子也與邴歆之父爭由



弗勝及即位搆而刑之而使歆僕納閭職之妻而使職參  
乘四年夏五月公遊于申池二人謀弒公納諸竹中齊人惡  
公廢其子而立元是為惠公魯文公卒魯人將殺惡及視  
而立宣公以告公許之惠公元年魯人以賂求會公及魯侯  
會于平州取魯濟西田十年復歸之惠公卒子頃公無野  
立崔行有寵於惠公高國畏其偏逐之于衛頃公七年晉  
卻克來聘公帷婦人而觀之卻子登婦人笑於房卻子怒  
歸請伐齊晉侯弗許公使高國晏弱蔡朝南郭偃會晉侯  
于斷道高國逃歸晉人執三子八年晉侯伐我至于陽穀  
盟于緇以公子彊為質晉師還魯宣公不事齊齊言既盟  
懼而乞師于楚楚師不出九年晉魯盟于赤棘十年公伐

魯又敗衛師于新築魯衛使大夫乞師于晉以伐我皆主  
卻克晉侯使卻克帥車八百乘來伐戰于鞏卻克傷于矢  
而破不止我師敗績公右逢丑父與公易位將及華泉驂絙  
于木而止豈司馬韓厥及之執繫馬前將以公歸丑父使公下  
如華泉取飲公乘佐車以免韓厥獻丑父公克將戮之曰  
自今無有代其君任患者矣乃舍之晉日師及馬陘公使國佐  
賂之以紀獻玉磬與地晉人不可曰必以蕭同叔子為質而  
復齊之封內盡東其畝對曰蕭同叔子寡君之母也吾子  
布文命於諸侯而曰必質其母是以不孝令也先王疆理  
天下物土之宜而布其利故詩曰我疆我理南東其畝今  
使齊畝必東唯吾子戎車是利無乃不可乎魯衛比肩為



我請晉人許焉七月盟于爰婁歸魯汶陽之田十一年公

朝于晉左傳齊侯朝于晉授玉卻克曰此行也君為晉人

曰頃公朝晉欲尊王晉景公且十六年晉人歸我魯汶陽

田十七年頃公卒子靈公環立八年公會諸侯伐鄭國左

從公初慶克通于聲孟子鮑牽知之以告國佐國佐譴之

夫人怒公歸自會夫人訴之曰高鮑將不納君而立公子

角國子知之公不察則鮑牽而逐高無咎高弱以盧叛公

使崔杼為大夫使慶克佐之帥師圍盧國佐還自鄭如盧

師殺慶克以穀叛公與之盟而復之盧降九年殺國佐以

慶封為大夫慶佐為司寇召鮑國及國弱于魯而立之十

年晉悼公始霸及諸侯之大夫圍宋彭城齊人不會晉人

來討使太子光為質於晉十一年公伐萊萊人賂夙沙衛

以索馬牛皆百匹師乃還七月晉荀瑩合諸侯之大夫于

戚以謀鄭齊人不會荀瑩以為言冬復會于戚崔杼及滕

薛小邾之大夫皆往二十五年晉平公會諸侯于溴梁以諸

侯宴令諸大夫歌詩必類高厚之詩不類將盟高厚高厚

逃歸公伐魯秋公復伐魯圍成魯使叔孫豹告于晉二十

六年公伐魯圍桃高厚伐魯圍防二十七年公伐魯冬晉

侯以諸侯來伐公禦之平陰登巫山以望晉師畏其衆逃

歸臨菑諸侯遂圍臨菑公將走郵棠太子光諫乃止諸侯

之兵侵及維沂而還初公娶于魯生光以為太子諸子仲

子戎子戎子嬖仲子生牙屬之戎子戎子請以為太子公



許之仲子曰不可光之立列於諸侯矣君必悔之公曰在  
我耳遂東太子光使高厚夙沙衛傅牙二十八年公疾崔  
杼微逆光疾病而立之是爲莊公五月靈公卒莊公殺戎  
子而執牙夙沙衛以高唐叛崔杼殺高厚公圍高唐執夙  
沙衛醢之三年晉逐其大夫欒盈會諸侯于商任以錮欒  
氏欒盈自楚適齊公厚之晏嬰諫不聽四年晉將嫁女于  
吳公使析歸父媵之以潘載欒盈內之曲沃以兵隨之伐晉  
上太行入孟門欒盈作亂不克而死公還自晉不入遂襲  
莒門于且于傷股而還五年公畏晉討欲見楚子楚子使  
遂啓疆來聘公使陳無宇報之楚子爲我伐鄭公又爲王  
城郊以說初崔杼娶東郭姜公通焉驟如崔氏以崔杼之

冠賜人崔杼怒以其間伐晉也將弑公以說晉六年夏五  
月莒子來朝饗之崔杼稱疾不視事公往問焉遂從姜氏  
姜與杼自側戶出公拊楹而歌侍人賈舉爲杼間公止衆  
從者而入閉門甲與公登臺而請弗許請盟弗許請自刃  
於廟弗許公逾墻射之中股反隊遂弑之立靈公之子杵  
臼是爲景公崔杼爲右相慶封爲左相太史書曰崔杼弑  
其君杼殺之其弟嗣書而死者二人其弟又書乃舍之南  
史氏聞太史盡死執簡以往聞既書乃還崔氏側莊公于  
北郭葬于士孫之里四妻不蹕下車七乘不以兵甲晉侯  
會諸侯于夷儀將伐我以莊公說且厚賂之乃止崔杼之  
妻生成及疆而死復娶東郭姜生明姜以狐入曰棠無咎



與東郭偃相崔氏崔成有疾廢之而立明景公二年崔成請老于崔杼許之偃與無咎弗予成與疆怒將殺之以告慶封慶封問盧蒲癸癸曰彼君之讎也天將棄之矣予何病慶封許之崔成及疆遂殺偃與無咎崔杼怒求人使駕不得使寺人御而出見慶封慶封曰請討之使盧蒲癸往遂滅崔氏成疆與東郭姜皆死崔杼無歸亦縊慶封當國嗜酒而好田與慶舍政而飲於盧蒲癸氏慶舍召盧蒲癸王何而廢之皆莊公之黨也將反慶氏以報莊公諸大夫皆疾慶氏癸與王何復使饗人減諸大夫膳以怒之三年十一月乙亥嘗慶舍蒞事藥高陳鮑以甲圍而殺之慶封歸伐公宮不克奔魯自魯奔吳吳與之朱方聚其族而居富於

在齊崔氏之亂喪羣公子及慶氏亡公孫竈公孫薑爲政皆召之而反其邑放盧蒲癸僂崔杼之尸改葬莊公焉九年北燕伯欵來奔十二年公如晉請伐北燕歸而伐燕將納燕伯晏嬰曰不入燕有君矣吾君賄左右諂諛作大事不以信未嘗可也十三年燕人歸燕姬賂以瑤壺玉積竿耳不克而還公孫竈之子藥施薑之子高疆皆嗜酒信內多怨與陳氏鮑氏有惡十六年或告陳鮑曰藥氏高氏將攻子陳鮑皆授甲使視藥高則皆斂酒陳無宇曰彼雖不信聞我授甲將逐我及其飲酒先伐諸陳鮑方睦遂伐藥高高疆曰先得公陳鮑焉往遂伐虎門不克戰于稷藥高敗施及疆出奔魯凡逐于藥高者子山子商子周子成子



公公孫捷無宇皆召而反其邑益其祿公子公孫之無祿者私分之邑國之貧約孤寡者私與之粟公與無宇莒之旁邑辭孟穆姬爲之請高唐陳氏始大十八年公朝于晉晉侯以公燕投壺晉人曰有酒如淮有肉如坻寡君中此爲諸侯師中之公曰有酒如澠有肉如陵寡人中此與君代興亦中之晉人不說十九年晉侯將盟諸侯于平丘齊不可晉侯使叔向來讓懼而從之二十六年公疥遂疢期而不瘳諸侯之賓問疾者多在梁丘據與裔欵請誅祝固史嚚以辭賓公說以告晏子晏子止公而勸公修德公爲之寬政殿門去禁薄斂已責而疾有間三十一年魯昭公來奔公唁之野井取鄆而居之三十二年將納魯侯命無受魯

貨梁丘據取貨於季孫言於公曰宋元公爲魯君如晉卒於曲棘叔孫昭子求納其君無疾而死不知天之棄魯邪抑魯君有罪於鬼神故及此也君姑使羣臣卜之若可而後君繼之無自尊焉公從之師及魯侯圍成不克秋公及諸侯盟于鄆陵謀納魯侯三十三年齊有彗公將禳之晏嬰曰無益也天之有彗以除穢也君無穢德又何禳焉若德之穢禳之何損公說乃止公與晏嬰坐於路寢公嘆曰美哉室其誰有此乎嬰曰敢問何謂也公曰吾以爲在德對曰如君之言其陳氏乎陳氏雖無大德而有施於民豆區釜鐘之數其取之公也薄其施之民也厚公厚斂焉陳氏厚施焉民歸之矣詩曰雖無德予女式歌且舞陳氏之



施民歌舞之矣後世若少惰陳氏而不亡則國其國也已  
公曰善哉是可若何對曰維禮可以已之在禮家施不及  
國民不遷農不移工賈不變士不濫官不滔大夫不收公  
利公曰善哉我不能矣吾今而後知禮之可以爲國也對  
曰禮之可以爲國也久矣與天地並四十五年公會鄭伯  
盟于鹹公會衛侯盟于鎖以畔晉使國夏伐魯四十六年  
魯侯三來侵我使國夏帥師伐之晉士鞅帥師救魯四十  
七年魯陽虎來奔請師以伐魯鮑文子諫曰陽虎有寵于  
季比將殺季孫以不利魯國而求容焉君富於季氏而大  
於魯國此固陽虎所欲傾覆不可許也公執陽虎虎逃奔  
晉秋公伐晉克夷儀衛侯來會晉伐我師四十八年公會

曾定公于夾谷犁彌言於公曰礼丘知礼而無勇若使萊  
人以兵劫魯侯必得志焉公從之孔丘以魯侯退以礼謬公  
公愧焉乃歸魯鄆驪龜陰之田以謝五十一年公會衛侯  
伐晉晉范中行氏叛公與魯侯交救之公之夫人曰燕姬  
無子鬻姒之子荼嬖諸大夫恐其立之也請于公願立太  
子公曰二三子爲樂耳何憂無君五十八年公疾使國夏  
高張立荼寘群公子於萊秋公卒孺子荼元年田乞僞事  
高國每朝必參乘謂之曰子得君大夫皆自危欲作亂又  
謂諸大夫曰二子將去貴寵以定君盍及其未作先之大  
夫從之六月田乞鮑牧及諸大夫以甲入于公宮高國乘如  
公戰敗國夏奔莒高張晏圍弦施奔魯田乞使召陽生於



魯至而匿之十月丁卯立之將盟鮑牧醉而往其臣差車  
鮑點曰此誰之命也陳子曰受命于鮑子牧曰女忘君之  
爲孺子牛而折其齒乎而背之也陽生稽首曰若我可不  
必亡一大夫若我不可不必亡一公子義則進否則退敢不唯  
二是從鮑牧懼曰誰非君之子乃受盟陽生立是爲悼公  
遷荼於駘不至殺之悼公之在魯也季康子以其妹妻之  
即位逆之季魴侯通焉女言其情弗敢與也公怒一年使  
鮑牧帥師伐魯取驪及闡且使請師于吳將以伐魯魯人  
歸季姬嬖乃歸其侵地鮑牧又謂群公子曰使女有馬千  
乘乎或訴之公殺鮑牧三年使公孟綽辭師于吳吳子怒  
四年吳師伐我南鄙國人弒公赴于吳師吳徐承帥舟師

將自海入齊齊人敗之吳師乃還國人立悼公子壬是爲  
簡公簡公元年國書帥師伐魯尋有敗之而還吳子復伐  
我國書禦之我師敗績國書死簡公之在魯也闞止有寵  
及即位使爲政田恒畏之屢願於朝諸御鞅言於公曰陳  
闞不可並也君其擇焉弗聽陳逆殺人闞止執之而逃陳  
豹事闞止闞止欲逐陳氏而立豹豹曰我遠於陳氏矣遂  
以告陳氏四年五月壬申田恒兄弟四乘如公闞止出逆  
之遂入閉門闞止歸屬徒攻宮不勝乃出追而殺之公怒  
田恒執公于舒州公曰吾早從鞅言不及此六月田恒弒  
簡公立公弟驁是爲平公自平公立而田氏專齊割安平  
以東爲田氏封邑平公二十五年卒子宣公積立宣公五



十一年卒子康公貸立二年韃魏始列爲諸侯十九年田  
恒曾孫和始爲諸侯遷康公海濱二十六年康公卒呂氏  
紀祀田氏卒有齊國

蘇子曰三代之得天下其所以異於後世者惟不求而得  
之耳世之論伊尹太公多以陰謀竒計歸之其說乃與漢  
陳平魏賈誦無異夫陳平賈誦之事張子房荀文若之所  
不爲也而謂伊尹太公爲之乎太公蓋善用兵老而不衰  
與文王治岐而司馬兵法出焉要之皆仁人豈以詭詐爲  
文武傾人以自立者哉管仲相桓公霸諸侯一匡天下使  
人免左社之禍孔子以仁許之然死不旋踵適庶爭立桓  
公不得葬卒而不亡以管仲之智而不免於此蓋物有以

蔽之歟古者將治天下必先治家以其道當自是往管  
仲爲齊大夫塞門反坫身備三歸而桓公內嬖如夫人者  
六人其行甚穢管仲以爲不害伯不禁也夫古之聖人爲  
君臣父子夫婦之禮皆有本末不徒設也故以舊坊爲無  
用而毀之者必有水患以舊禮爲無益而去之者必有亂  
患古之君子身修而家治安而行之不知其難而亂自去  
今管仲媮取一時之欲而僥倖於長久難哉桓公季年將  
立世子管子知將有嫡庶之禍遂與桓公屬孝公於宗襄  
公夫使桓公妻妾適庶之分素明家事素定則太子一言  
立矣而他人何與哉蓋管仲智有餘而德不足於是窮矣



齊太公世家第一

魯周公世家第三

古史十

周公旦者周文王之子而武王之弟也武王同母兄弟十人母曰太妣文王之正妃也其長子曰伯邑考次曰武王發次曰管叔鮮次曰周公旦次曰蔡叔度次曰曹叔振鐸次曰成叔武次曰霍叔處次曰康叔封次曰冉季載兄弟唯旦長且賢逮文王世任以國事邑之于周凡周之內治始於室家而至於國人者屬之周公凡周之外治所以交接四隣至於江漢之國者屬之召公故文王之風周人之詩謂之周南諸侯之詩謂之召南言二公之治自北而南也及文王崩周公相武王伐殷武王曰予小子既獲仁人敢祇承上帝以遏亂略謂周召也武王克殷封周公於魯曲



阜周公留相武王不就封既克殷二年武王有疾天下未  
集群公懼周公乃為三壇同墠請命大王王李文王為壇  
於南方北面周公立焉植璧秉珪以冊祝曰惟爾元孫某  
遘厲虐疾若爾三王是有丕子之責于天以旦代某之身  
余仁若考能多才多藝能事鬼神乃元孫不若旦多才多  
藝不能事鬼神乃命于帝廷敷佑四方用能定爾子孫于  
下地四方之民罔不祇畏嗚呼無墜天之降寶命我先王  
亦永有依歸今我即命于元龜爾之許我我其以璧與珪  
歸俟爾命爾不許我我乃屏璧與珪乃卜三龜一襲吉公  
曰體王其無害歸納其冊于金縢之匱明日而王疾瘳武  
王崩成王少方諒陰周公位冢宰正百工管叔蔡叔監殺

疑周公不利成王遂以武庚祿父及淮夷叛周公告太公  
召公曰我若有嫌不以法正之則周必亂無以告我先王  
遂出兵征之二年而罪人皆服然成王亦以此疑周公公  
為鴟鴞之詩以貶王王不悟秋大熟未獲大風雷電禾偃  
木拔國人震恐二公道王以發金縢王得書問諸史百執  
事皆曰信公命我勿言王感泣命逆周公于東周公卒相  
成三方就學周公使其子伯禽與成王處抗世子法於伯  
禽以示成王誕保文武受命凡七年既成洛邑詔成王烝  
祭文武於新邑而歸政焉古者君在諒陰三年不言百官  
總已聽於冢宰此三代之常禮  
也武王崩成王幼周公位冢宰當國聽政蓋禮然也其所  
以異者既終三年成王尚幼未能治政故至於七年耳今  
考於書其說止於此初無攝位之文太史公因秦漢之謬  
以為周公居攝七年此亦何所據哉夫成王即位稱王矣



而周公攝則是一天子也隱公知相公當立而攝以待之  
遂至羽父之禍若使隱公如周公當國而不攝雖有讒口  
禍不至王謂公曰我其退即君子周命公後四方未定于  
宗禮亦未克救公功迪將其後監我士師工誕保文武受  
民亂為四輔周公許焉答曰孺子來相宅其大博典戮獻  
民亂為四方新辟作周恭先子旦以多子越御事篤前人  
成烈答其師作周孚先祭之日王命史佚毋告公子伯禽  
為公後於魯而公留相周分魯公以大路大旂夏后氏之  
璜封父之繁弱殺民六族條氏徐氏蕭氏索氏長勺氏尾  
勺氏錫之山川土田附庸廟祀文王郊享上帝所以褒顯  
周公異於諸侯也成王歸治政周公作無逸言殷三宗及  
周文武皆以勤勞抑畏享國長久及商後王耽樂怠教遠

者十年近者四三年所以戒飭成王者甚至時周公為  
師召公為保相成王為左右然召公猶不說恐成王未能  
繼先王君天下周公乃作書告之名之曰君奭言湯之伊  
尹太甲之保衡大戊之伊陟呂肩巫咸祖乙之巫賢武丁  
之甘盤周文武之號叔閔天散宣生泰顛南宮括皆能左  
右其君保國配天豈亦當國聽政而後可哉故曰子往暨  
汝奭其濟小子同未有位誕無我責召公乃說世言周公  
不說太史公信之今書君奭之篇在洛誥後孔子叙之曰  
召公為保周公為師相成王為左右召公不說然則召公  
之不說非不說其聽政蓋不說其歸政也且以召公之賢  
歷事文武與周公從事老矣而猶疑周公有不順之意則  
周公將周公治周作禮樂致太平退老於豐將沒欲葬成  
周示不忘所營邑公卒成王葬之于畢從文王示不敢臣



周公也周公之子封者八人伯禽在魯其弟嗣周公食采於周世輔王室凡蔣邢茅胙祭或在畿內或在畿外伯禽之就封周公戒之曰我文王之子武王之弟而王之叔父也然我一沐三捉髮一飯三吐哺起以待士猶恐失天下之賢人汝之魯慎無以國驕人伯禽始至國徐夷並起爲寇東郊不開將築城而徐夷擾之乃誓兵於費出兵攻之徐夷釋魯自救遂以其日築徐夷服費魯既日甲戌我惟惟築所以出兵與築城同日者蓋欲治魯三年報政周公徐夷釋魯自救不能爲板築之害耳周公曰何遲也伯禽曰變其俗易其禮喪三年然後除之故遲太公之封齊五月而報政周公周公曰何疾也曰吾簡其君臣禮從其俗爲也及後聞伯禽報政遲曰嗚呼魯

後世其北面事齊矣夫政不簡不易民不有近平易近民

民必歸之魯公卒子考公酋立考公四年卒弟煬公熙立

煬公築茅闕門六年卒子幽公宰立幽公十四年幽公弟

潰弒幽公而自立是爲魏公魏公二十年卒子厲公擢立

厲公三十七年卒弟獻公具立獻公三十二年卒子真公

湲立真公三十三年卒弟武公敖立武公九年與長子括

少子戲朝周宣王愛戲欲立之仲山甫諫不聽夏武公歸

而卒戲立是爲懿公懿公九年國人與兄括之子伯御弒

懿公而立伯御伯御十一年宣王伐誅伯御而立懿公弟

稱是爲孝公仲山甫言於宣王曰魯侯肅恭明神敬事者

老賊事行刑必問於遺訓而資於故實不干所問不犯所



古史世家三  
三十一  
咨於是王命孝公於夷官以爲侯伯二十七年孝公卒子  
惠公弗湟立惠公元妃孟子無子其娣聲子生隱公宋武  
公生仲子仲子生而有文在其手曰爲魯夫人惠公娶之  
生相公四十六年惠公卒相公以適子當立魯人爲其少奉  
隱公攝君事以待之隱公四年宋公爲衛州吁乞師以伐  
鄭公不許公子翬固請以師會之五年春公觀魚于棠城  
僖伯諫不聽八年春鄭伯以太山之防易許田釋太山而  
祀周公十年二月公會齊侯鄭伯于中丘謀伐宋公子翬  
先期往十一年公子翬請殺相公以求太宰公曰爲其少  
故也吾將授之矣使營菟裘吾將老焉翬懼反譖公于相  
公使賊弑公于蔦氏立相公相公二年宋督殺其君與夷

及其大夫孔父公會諸侯于稷以成宋亂取郕大罪二宋  
納于大廟臧哀伯諫曰武王克商遷九鼎于洛邑義士猶  
或非之而况將昭違亂之賂器於大廟其若之何公不聽  
北戎病齊鄭世子忽救齊大敗戎師諸侯之大夫戍齊齊  
人饋之餼使魯爲之班後鄭鄭忿怒十年齊侯衛侯鄭伯來  
戰于郎十八年公會齊侯于濼遂與夫人如齊夫人齊襄公  
之妹也未嫁而襄公通之申繻諫曰女有家男有室無相  
瀆也易此必亂不聽齊侯復通焉公謫之以告四月丙子  
齊侯享公使公子彭生乘公公卒于車魯人告于齊請以  
彭生除惡齊人殺彭生子莊公同立元年三月夫人孫于  
齊夏單伯送王姬以齊讎故築王姬之館于外二年十二



月夫人享齊侯于禚四年二月夫人享齊侯于祝丘冬公及齊人狩于禚五年正月夫人如齊師七年春夫人會齊侯于防冬又會于穀八年公及齊師圍郕郕降于齊師仲慶父請伐齊師公曰我實不德齊師何罪姑務脩德以待時乎師還冬齊人弒襄公公子糾來奔九年春公及齊夫人盟于莒夏公伐齊納子糾齊小白自莒先入八月公及齊師戰于乾時我師敗績齊人以兵脅我爲之殺子糾于生竇將以管仲與齊施伯言於公曰管仲賢者齊將用之非殺之也齊用管仲必爲魯患不如殺而與之公不聽齊人宰相管仲十年齊師伐我公將戰曹劌請見問何以戰公曰衣食所安弗敢專也必以分人對曰小惠未徧民弗

從也公曰犧牲玉帛不敢加也必以信對曰小信未孚神弗福也公曰小大之獄雖不能察必以情對曰忠之屬也  
可以一戰公與之乘戰于長勺大敗齊師十三年公會齊侯盟于柯始及齊平二十年夫人姜氏如莒二十一年夫人姜氏卒二十二年公如齊納幣二十三年公如齊觀社曹劌諫不聽將納人丹桓宮楹而刻其楯御孫諫不聽夏公如齊送女秋公至自齊公之嬖孟任夫人要公八月丁丑乃入大夫宗婦覲用幣御孫曰男贄大者玉帛小者禽鳥女贄不過榛栗棗脩今男女同贄是無別也男女之別國之大節也而申夫人亂之無乃不可乎又不聽孟任之子曰般圍人犖有罪般鞭之公曰犖有力焉不如殺之



未及殺也公母弟三人長曰慶父次曰叔牙次曰季友公疾問後於叔牙牙曰慶父材問於季友友曰臣以死奉般公曰牙欲立慶父柰何季友以君命命牙待於鍼巫氏使鍼季醜之曰飲此則有後於魯不然死且無後牙死立叔孫氏三十二年八月公卒慶父使犖賊般季友奔陳慶父奔齊齊人立哀姜之娣叔姜之子開是爲閔公閔公元年及齊侯盟于洛姑召季友於陳而復之冬齊侯使仲孫湫來省難二年慶父使卜齮賊公于武闔慶父通於哀姜哀姜欲立之亂作季友以莊公子申適邾慶父奔莒哀姜孫于邾季友以申入立之是爲僖公以賂求慶父于莒而立之立孟孫氏齊桓公召哀姜殺之于夷以其尸歸季友之生也

桓公卜之曰男也其名曰友在公之右間于兩社爲公室禱季氏亡則魯不昌公生有文在其手曰友遂以命之其後爲季孫氏僖公元年盟季友汶陽之田及費十六年公會諸侯于淮十七年滅項齊人以其爲討而止公秋夫人姜氏會齊侯于卞乃免公齊桓公卒十八年宋襄公伐齊納孝公師救齊不克二十一年邾人滅須句須句子來奔爲成風故公伐邾二十二年春公伐邾取須句納須句子秋及邾人戰于升陘公小邾不爲備敗焉邾人獲公曹二十六年春齊人侵我西鄙夏齊人伐我北鄙公使展喜詞焉齊師還公以楚師伐齊取穀二十七年楚子及諸侯圍宋公會諸侯盟于宋二十八年晉文公伐曹衛楚人救之公



公子買成衛楚師敗公畏晉殺買以說夏公會諸侯于夷  
二冬復會諸侯于溫晉人爲衛元咺執衛侯歸之京師三  
十年使醫酖之不死臧孫辰言於公曰衛君殆無罪矣  
五而已無有隱者隱乃諱也今晉人酖衛君不死亦不諱  
其使者諱而惡殺之也有諸侯之請必免之臣聞班相與  
也故能有親君曷請衛君以示親於諸侯且以動晉公說  
納玉於王與晉侯皆十穀乃免衛侯自是晉人聘於魯  
諸侯一等三十一年晉人分曹地以畀諸侯予我濟西田  
三十二年十二月僖公卒魯自慶父之禍政事不舉僖公選  
賢任能修兵革治牧圉新閔宮泮宮魯人善之季孫行父  
請于周使史克頌之魯頌是也于文公興立二年晉人以

公不朝來討公如晉晉人使陽處父盟公八月丁卯大事  
于大廟躋僖公三年晉人懼其無禮請改盟公如晉及晉  
侯盟七年公子遂娶于莒公孫敖如莒涖盟且爲遂逆見  
之美而自取之遂將攻之公止之使遂舍之叔反之八年  
公孫敖奔莒從己氏十四年九月齊商人弑其君舍而自  
立舍魯甥也告于王將以王寵求其母于齊王使單伯如  
齊齊人執之并執子叔姬十五年春季孫行父以單伯叔  
姬故如晉齊人釋單伯秋齊人侵我西鄙行父復訴于晉  
晉侯會諸侯于扈將討齊取賂而還齊人歸子叔姬齊侯  
謂諸侯無能爲也復伐我西鄙十六年春及齊平公疾四  
不視朔使季孫行父盟齊齊侯不信使公子遂納賂乃盟



于鄆立十七年夏齊侯伐我北鄙八月癸未公及齊侯盟于穀十八年二月文公卒公娶于齊曰哀姜生惡及視二妃敬嬴生倭敬嬴嬖而私事公子遂且屬其子故遂欲立之叔仲彭生不可遂請於齊齊侯許之十月遂殺惡及視而立倭是爲宣公彭生死之哀姜歸于齊魯由此公室卑三桓強莒太子僕弒其君以其寶玉來奔公命與之邑季孫行父使出之竟宣公以篡立求定于齊元年會齊侯于平州賂之以濟西田四年秋公朝于齊五年春公朝于齊齊爲高固止公以求叔姬許之七年冬公會諸侯于墨壤晉人以公不朝止公以賂免九年春公朝于齊十年春公朝于齊齊以我服故歸濟西田四月齊侯元卒公如齊奔喪十

五年初稅畝公子遂之子曰公孫歸父有寵於公將去三桓以張公室十八年與公謀而聘于晉將以晉人去之冬公卒子成公黑肱立季孫行父言於朝曰使我殺適立庶以失大援者仲也夫遂逐東門氏歸父還及笙壇帷復命於介袒拮髮即位哭三踊而出遂奔齊宣公季年不復事齊將以楚師伐之莊王卒楚師不出成公元年爲齊難故作丘甲二年春齊侯伐我北鄙臧孫許如晉乞師晉使卻克帥師伐齊六月癸酉季孫行父臧孫許叔孫僑如公孫嬰齊會晉師及齊侯戰于鞏齊師敗績齊人歸我汶陽田楚人以我用晉師故冬楚公子嬰齊帥師伐我使仲孫蔑以賂求平於楚十一月公及諸侯之大夫盟于蜀晉人惡之而



不能禁四年夏公朝于晉晉侯不敬歸將叛晉季孫行父  
曰晉雖無道國大臣睦而邇於我諸侯聽焉未可以貳乃  
止八年春晉侯使韓穿來言汶陽之田歸之于齊自是諸  
侯貳於晉十年五月晉侯孺卒公如晉弔晉人以公貳於  
楚止公使送葬諸侯莫在魯人耻之十一年公請受盟晉人  
歸公叔孫僑如通於穆姜欲去季孟而取其室十六年公  
將會晉師伐鄭穆姜送公使逐二子公辭以晉難行於壞  
隕申官徹備設守而後行故不及其戰晉既敗楚于鄢陵  
秋復會諸侯于沙隨僑如賂郤欒使告曰魯侯待于壞隕  
以待勝者晉侯不見公公黜復會諸侯伐鄭將行姜又命  
公如初公又申守而行僑如復告郤欒曰季孟將叛晉君

止行父而殺之我斃蔑也而事晉日蔑有貳矣九月晉人執  
行父于茗丘公還待于鄆使子叔嬰齊請于晉晉士燮知  
僑如之情乃許魯平而赦行父十月出僑如而盟之僑如  
奔齊十八年晉悼公立公往朝焉八月成公卒子襄公午  
立生三年矣襄公二年仲孫蔑會諸侯之大夫于戚謀鄭  
蔑言於智罃請城虎牢以逼鄭晉人從之鄭人乃成三年  
公朝於晉及晉侯盟于長樗五年十一月季孫行父卒家  
無衣帛之妾無食粟之馬無藏金玉無重器備君子稱其  
忠九年冬公會諸侯伐鄭晉侯與公燕于河上問公之年曰  
可冠矣還及衛冠于成公之廟假鍾鼓焉十一年王月作  
三軍三分公室三桓各有其一季氏使其乘之人以其役邑



入者無征不入者倍征孟氏使半爲臣若子若弟叔孫氏使盡爲臣十五年夏齊侯伐我圍成城成郛邾人伐我南鄙十六年齊再伐我叔孫豹以齊難告于晉十七年秋齊侯伐我圍桃高厚伐我圍防冬邾人伐我南鄙十八年秋齊師伐我北鄙冬公會諸侯圍齊十九年春盟于祝柯晉人以我故執邾子取邾田自漵水冬齊及晉平魯人懼城武城二十年秋仲孫速帥師伐邾二十一年公如晉拜師及邾田季孫宿無適子公彌長而愛紇欲立之訪於申豐豐不可訪於臧紇紇立之仲孫速之子秋與羯也羯使人謂公彌苟得立請讎臧氏仲孫速卒公彌立羯孟氏告季孫曰臧氏將爲亂不使我葬臧孫聞之以甲自從季孫信之

命攻臧氏臧紇奔邾乃立臧爲二十七年晉趙武楚屈建會諸侯之大夫盟于宋二十八年爲宋之盟故公朝于楚及漢楚康王卒遂行二十九年送葬而還及方城李氏取卞使公冶以書告曰聞守卞者將叛臣帥徒以討之旣得之矣公曰欲之而言叛祇見練也謂公冶吾可以入乎對曰君實有國誰敢違君公欲無入榮駕鴛賦式微乃歸晉侯使司馬侯來治杞田三十一年公作楚宮叔孫豹曰君欲楚也夫若不復適楚必死是宮六月公卒于楚宮立敬歸之子野九月子野卒立敬歸之弟齊歸之子稠叔孫豹不欲曰太子死有毋弟則立之無則立長年均擇賢義均以上古之道也非適嗣何必弟之子且是人也居喪而不哀在感而有



嘉容是謂不度不度之人鮮不爲患若果立之必爲季氏  
憂季孫宿不聽卒立之比及葬三易袞袞衽如故袞於是  
昭公十九年矣猶有童心君子知其不能終也昭公元年  
叔孫豹會諸侯之大夫于虢季孫宿伐莒取鄆楚公子圍欲  
戮魯使晉樂王鮒求貨於豹豹不與謂其人曰諸侯之會  
衛社稷也若我以貨免魚目受師雖怨季孫魯國何罪叔  
出季處有自來矣吾又誰怨晉趙武聞之固請諸楚而免  
之四年十一月叔孫豹卒初豹夢天壓已顧而見人號之曰  
牛助余乃勝之它日見其人未問其名以牛呼之曰唯遂  
使爲豎有寵長使爲政豹有疾牛讒其子孟殺之復讒其  
子仲逐之告人曰夫子疾病不欲見人遂去其飲食豹以

飢死牛立其子媯而相之五年正月舍中軍四分公室季  
氏擇二子各一皆盡征之而貢于公叔孫媯即位朝其家  
衆曰豎牛禍叔孫氏殺適立庶必速殺之牛懼奔齊孟仲  
之子殺之公如晉自郊勞至于贈賄無失禮晉侯謂女叔  
齊曰魯侯不亦蓋於禮乎對曰魯侯焉知禮夫禮所以守  
其國行其政令無失其民者也今政令在家不能取也有  
子家羈不能用也于大國之盟陵虐小國公室四分民食  
於它爲國君難將及身是之不卹而習儀以亟言善於禮  
不亦遠乎七年楚靈王成章華之臺將與諸侯落之使蕩  
啓疆來召公三月公如楚晉人復治杞田以成與之十年七  
月季孫意如伐莒取鄆獻季始用人於亳社十一年五月夫



人齊歸卒大蒐于比蒲九月葬齊歸公不感晉叔向聞之  
曰君有大喪而不廢蒐不忌君也君無感容不顧親也國  
不忌君君不顧親能無卑乎殆其失國夏公如晉以郟故  
晉人辭公至河而復季氏之臣南蒯意如不禮焉蒯謂公  
子慙吾出季氏而立子歸其室於公我以費爲公臣慙許  
之南蒯語叔仲小小欲措季孫叔孫婁與意如皆三命小  
謂意如曰三命逾父兄非禮也意如使謂婁婁怒意如懼  
歸罪於小故叔仲小南蒯公子慙三人謀季氏慙以告公  
從公於晉南蒯懼不克以費叛如齊公子慙還及郊亦奔  
齊十三年秋公會諸侯于平丘以郟故公不與盟晉人執  
季孫意如以歸冬公如晉晉人辭公至河而復子服叔謂

晉荀吳曰魯事晉何以不如夷之小國若爲夷棄之使事  
齊楚其何瘳於晉荀吳告韓起曰楚滅陳蔡不能救而爲  
夷執親安用之乃歸季孫十五年冬公如晉晉人猶以郟  
故止公十六年夏公至自晉十七年六月甲戌朔日有食  
之祝史請所用幣叔孫婁曰日有食之天子不舉伐鼓於  
社諸侯用幣於社伐鼓於朝禮也季孫意如御之曰止也  
唯正月朔慙未作日有食之於是乎有代鼓用幣其餘則  
否大史曰在此月也日過分而未至三辰有災於是百官  
降物君不舉辟移時樂奏鼓祝用幣史用辭故夏書曰辰不  
集於房讐奏鼓嗇夫馳庶人走此月之謂也當夏四月是  
謂孟夏意如弗從婁曰夫子將有異志不君君矣二十三



年春邾人城翼還自離姑武城人塞其前斷其後之木而弗殊邾師過之推而蹙之遂取邾師邾人愬于晉晉人來討叔孫婁如晉晉人執之二十四年春婁至自晉二十五年春有鸛鵒來巢師已曰異哉文成之世童謠曰鸛之鵒之公出辱之鸛鵒之羽公在外野往饋之馬鸛鵒踈踈公在乾侯徵蹇與孺鸛鵒之巢遠哉悠悠稠父喪勞宋父以驕鸛鵒鸛鵒往歌求哭今鸛鵒來巢其將及乎季子公若郈昭伯臧昭伯與季氏皆有怨公若獻弓於世子爲與之出射謀去季氏爲告公弟公果公貴公果告公公告臧孫臧孫以難告郈孫郈孫以可勸告子家羈羈曰纔人以君僥倖事若不克君受其名不可爲也舍民數世以求克事不可

必也且政在焉其難圖也弗聽叔孫婁如闕九月戊戌遂伐季氏意如登臺請待於沂上以察罪弗許請囚于曹弗許請以五乘亡弗許子家羈曰君其許之政自之出久矣隱民多取食焉爲之徒者衆矣日入慝作弗可知也君必悔之弗聽郈孫曰必殺之叔孫氏之司馬駿戾帥徒以救季氏孟氏從之遂伐公徒子家羈曰諸臣僞劫君者而負罪以出君止意如之事君不敢不改公曰余不忍也遂行孫于齊齊景公欲以千社待公公喜子家羈曰失魯而以千社爲臣誰與之立齊君無信不如早之晉叔孫婁自闕歸責意如意如稽顙將納公婁如齊與公言將安衆而納公歸而意如有異志婁齊於寢使祝宗祈死遂自殺二十六



年春齊人取鄆公自至齊居于鄆夏公以齊師圍成二十  
七年秋諸侯之大夫會于扈謀納公

宋衛

皆利納公晉士鞅取貨於季孫不克納孟懿子陽虎伐鄆  
將逆公及鄆人戰敗之冬公如齊齊侯饗公使宰獻而請  
安子家羈以君出二十八年春公如晉子家羈請待命于竟  
弗聽晉人使公復於竟而後逆之居于乾侯二十九年春公  
至自乾侯居于鄆齊侯使高張來唁公稱主君羈曰齊卑  
君矣君祇辱焉復如乾侯意如每歲歸公馬及從者之衣  
履公執歸者賣之乃不復歸公使公行獻龍輔於齊侯齊  
侯喜與之陽穀公衍公爲之生也其母偕出請相與偕  
公爲實後而毋先告遂爲太子公私於陽穀而思於齊

口務人爲此禍也且後生而爲兄其誣也久矣乃黜之而  
以公衍爲太子三十一年晉侯將以師納公范鞅曰若召季  
孫而不來則信不臣矣然後伐之若何晉人召意如鞅使  
私焉曰子必來我受其無咎意如會晉荀躒于適歷意如  
請從君而歸子家羈曰君與之歸一慙之不忍而終身慙  
乎公曰諾衆曰必逐之荀躒以晉侯之命唁公且請公歸  
公曰已所能見夫人者有如河荀躒掩耳而走曰寡君其  
罪之恐敢與知魯國之難退謂意如君怒未怠子姑歸祭  
子家羈曰君以一乘入于魯師意如必與君歸公欲從之  
衆從者脅公不得歸三十二年十二月公卒于乾侯魯人立  
公弟宋是爲定公元年夏叔孫不敢逆公之喪于乾侯意



如使不敢召子家羈將用之羈不見喪及壞墮公子宋先  
入從公者皆自壞墮及六月癸亥公之喪至自乾侯戊辰  
公即位意如使役如闕公氏將溝焉又欲爲公惡謚問於  
榮駕鸞駕鸞不可乃止秋七月葬昭公於墓道南孔子之  
爲司寇也溝而合諸墓二年五月雉門及兩觀災五年六  
月季孫意如卒陽虎將以璠與歛仲梁懷弗與曰改步改  
王陽虎欲逐之公山不狃曰彼爲君也子何怨九月陽虎  
囚季孫斯及公父歆而逐仲梁懷十月殺公何藐己丑盟季  
孫于稷門之內庚寅大誚公父歆秦逸皆奔齊六年春公  
爲晉侵鄭陽虎將害季孟使不假道於衛衛人知虎之  
爲也不問夏季孫斯如晉獻鄭俘陽虎彊使仲孫何忌往

報夫人之幣晉人兼享之七年春齊人歸鄆陽闕陽虎  
居之以爲政秋齊國夏伐我西鄙陽虎使季孟宵軍齊師  
齊師隨伏而待之公斂處父苦夷欲殺虎虎懼乃還不敗  
陽虎欲去三相以季寤更季氏以叔孫輒更叔孫氏已更  
孟氏八年冬十月順祀先公而祈焉將享季氏于蒲圃而殺  
之戒都車曰癸巳至公斂處父知之告孟孫曰亂必及子  
先備諸乃與孟孫以壬辰爲期陽虎以季孫期如蒲圃斯  
奔孟氏陽虎劫公與叔孫不敢伐孟氏公斂處父以成人伐  
敗之陽虎如公宮取寶玉大弓以出入于驪陽關以叛九  
年四月得寶玉大弓六月伐陽關陽虎奔齊已而奔晉趙  
氏十年春及齊平夏公會齊侯于夾谷孔丘相齊人使莒



人以兵劫公。孔丘以公退，曰：「士兵之兩君合好而裔夷之俘以兵亂之，非齊君所以命諸侯也。」齊侯聞之，遽辟之。終事齊卒，不能加魯。齊人愧焉，乃歸鄆、驪、龜陰之田。十一年冬，及鄭平。自是始叛晉。十二年仲由爲季氏宰，請墮三都。春，叔孫氏墮。郈將墮費公山不狃、叔孫輒帥費人襲魯公。與三子入季氏之宮，登武子之臺。費人攻之，入及公側。孔丘命申句須、樂頎下伐之。費人北，國人追之，敗諸姑蔑。二子奔齊，遂墮。費將墮成公歛處，父不可。十二月，公圍成弗克。齊人畏魯之用孔丘也，以女樂來饋季孫斯，受之三日，不朝。孔子去魯。十四年夏，公會齊侯、衛侯于牽，救晉叛臣。范中行氏十五年五月，定公卒。子哀公將立，三桓每歲更伐邾，取濶、東

田及沂、西田。三年五月，桓宮僖宮火。四年六月，亳社災。七年夏，公會吳于鄆。吳徵百牢，曰：「宋百牢，我魯不可以後。」宋子服何對曰：「先王未之有也。周禮上物不過十二，以爲天之數也。吳人弗聽。何曰：『吳將亡矣。棄天而背本，不典必棄。疾於我，乃與之。』」太宰嚭召季孫，季孫使端木賜辭焉，乃免。反自鄆，以吳爲無能爲也。季孫斯欲伐邾，饗大夫而謀之。子服何曰：「小所以事大，信也大。所以保小，仁也。昔大國不信伐小國，不仁。失二德者，危將焉保？」孟孫曰：「二子以爲如何？」惡賢而逆之，對曰：「知必危，何故不言？」魯德如邾，而以衆加之，可乎？不樂而出。秋，公伐邾，入之。師晝夜掠以邾子益來。邾大夫茅夷鴻以束帛來，韋請救於吳。八年春，吳伐我，克武城、東陽。次于



泗上微虎欲宵攻吳屬徒三百人有若與焉或謂季孫不足以  
害吳而多殺國士乃止吳王聞之一夕三遷吳人行成將盟子  
服何曰楚人圍宋易子而食析骸而爨猶無城下之盟我未  
及虧而有城下之盟是棄國也吳輕而遠不能久請少待之  
弗從吳人盟而還齊悼公之在魯也季氏以其妹妻之即位  
而逆之季魴侯通焉弗敢與也齊侯怒五月齊鮑牧伐我取  
驩及闡齊侯使如吳請師將以伐我我乃歸邾子秋及齊平  
齊逆季姬以歸嬖十二月齊人歸驩及闡九年春齊侯使辭師  
于吳吳子怒冬吳人來傲師將伐齊十年公會吳子邾子邾  
子伐齊齊人弒悼公以說十一年春齊國書帥師伐我季氏之  
宰冉求勸季孫戰二子皆不欲彊而後可孟孺子洩帥右師

冉求帥左師及齊師戰于郊右師奔左師獲甲首八十齊  
人不能師而遁夏公會吳伐齊吳獲齊國書季氏用冉有  
有功思孔子以幣召之孔子自衛歸魯季孫斯欲用田賦  
使冉有訪諸孔子孔子言其不可弗聽十二年春用田賦十  
二月螽季孫斯問之孔子孔子曰火伏而後螿者畢今火  
猶西流司歷過也十四年春狩於大野獲麟以爲不祥以  
賜虞人孔子觀之曰麟也然後取之六月齊田恒弒其君  
壬孔立告於公請討之不聽孟孺子洩與成宰公孫叔有  
怨八月孟孫卒成人奔喪弗納十五年成叛于齊冬及齊  
平子服何如齊子貢爲介田恒曰寡君願事君如事衛君  
子貢對曰寡君之願也昔晉人伐衛齊爲衛故伐晉冠氏



喪車五百因與衛地自濟以西襍媚杏以南書社五百吳人加敝邑以亂齊因其病取驩與闡寡君是以寒心若得視衛君之事君則固所願也田恒病之乃歸成十六年四月孔子卒十七年公會齊侯盟于蒙仲孫彘相齊侯稽首公拜齊人怒彘曰非天子寡君無所稽首二十一年齊人責稽首秋公及齊侯盟于顧公子荆之母嬖二十四年公將以爲夫人使宗人譽夏獻其禮對曰無之公曰立夫人大禮也何故無之對曰周公及武公娶于薛孝惠娶于商自桓以下娶于齊此禮也則有若以妾爲夫人則固無其禮也公卒立之而以荆爲太子國人始惡公閏月公如越得太子適郢將妻公而多與之地季孫懼因太宰嚭納賂乃止二十五

年六月公至自越季孟逆於五梧郭重僕公以季孟燕彘爲祝惡郭重曰何肥也斯曰請飲彘也以魯國之密邇仇讎臣是以不獲從君免於大行又謂重也肥公曰是食言多矣能無肥乎飲酒不樂公與大夫始有惡二十七年越子使后庸來聘且言邾田封于貽上二月盟于平陽三子皆從季孫病之言及子貢曰若在此吾不及此四月季孫斯卒公弔焉降禮公患三相之侈也欲以諸侯去之三相亦患公之多妄也故君臣多間公遊于陵阪遇孟孫曰請問余及死乎對曰臣無由知之三問不答公欲以越去三相八月公如公孫有陘氏因孫于邾乃遂如越國人施公孫有山氏公卒於越

案子貢言哀公不沒於魯而史記稱哀公自越歸卒於有山氏歸於有山氏而不歸



國事未可信也 子悼公寧立三柏益疆魯如小侯三十七年悼公卒子元公嘉立二十一年卒子穆公顯立穆公以公儀子爲相子柳子思爲臣然不能用三十三年穆公卒子共公奮立二十二年卒子康公屯立九年卒子景公厯立二十九年卒子平公叔立是時六國皆稱王二十二年平公卒子文公賈立二十三年卒子傾公讎立十九年楚伐我取徐州二十四年楚考烈王伐滅魯傾公亡遷於卞爲家人卒于杞魯不祀

蘇子曰魯自宣公殺其世子而自立公室遂卑三相分有其民而竊咻之民知有大夫而不知有君襄公二十九年季武子取卞公還自楚不敢入歸而不敢問蓋魯君之失國

也久矣至昭公不忍其詞未能收民而舉兵攻之遂以失國哀公孤弱甚於昭公又欲以越人攻之終亦出死於越嗟矣棄民五世而欲一朝收之宜其難哉昔齊晏子嘗告景公以田氏之禍公問所以救之者晏子曰唯禮可以已之在禮家施不及國而大夫不收公利景公稱善而不能用齊卒以亡語稱哀公問社於宰我宰我對曰夏后氏以松殷人以栢周人以栗曰使民戰栗孔子聞之曰成事不說遂事不諫既往不咎予嘗考之以爲哀公將去三相而不敢正言古者戮人於社其託於社者有意於誅也宰我知其意而亦以隱答焉其曰使民戰栗以誅告也孔子知其不可曰此先君之所爲植根固矣不可以誅戮齊也蓋亦有意



于禮乎不然何咎予之深也孔子曰禮樂征伐自諸侯出  
十世希不失矣自大夫出五世希不失矣陪臣執國命三  
世希不失矣自隱至昭而逐於季氏凡十世自宣至定而  
制於陽虎凡五世虎不逾世而敗自是三桓微散沒不復  
見而魯公室雖微不絕遂與戰國相終始蓋以臣僭君不  
義而得民要以其力自斃君雖失衆而其實無罪又則民  
將哀之其勢固當然哉

魯國公世家第三



